

Ariketa hauek Ikasbileko 1973147 atazan aurkituko dituzu

1- Entzun aurretik

1.1 Crowdfunding egitasmoa



Ikasgelan crowdfunding egitasmo bat aukeratu eta landu behar duzue. Hori dela eta, zuetako bakoitzak proposamen bat eraman behar duzue. Idatzi egitasmoaren nondik norakoak, arrazoiak emanaz. Ea besteak konbentzitzen dituzun!

Interneten egitasmo askoren berri izan dezakezu. Kontsulta dezakezu, esaterako, **KARENA** crowdfunding plataformaren euskarazko eskaintza ideiak hartzeko.

1.2 Crowdfunding-a



Jon eta Jone crowdfunding-ari buruz arituko dira gaurko saioan. Zer dakizu horri buruz? Komentatu ikaskidearekin beheko hitzak laguntza bezala erabiliz. Ondoren, osatu testua eta kokatu hitz horiek hutsuneetan.



proiektu - ekarpen - sare - finantzazio - baliabideak- Internet - ordaina - dirua

Crowdfundinga, proiektuak finantzatu eta martxan jarri ahal izateko gizabanakoen konpromisoa


Crowdfundinga banakako _____ en bitartez _____ zehatzen _____ zuzena egitea da. Beste izen batzuk ere hartzen ditu; hala nola: crowd financing, equity crowdfunding, edo hyper funding; eta bere oinarrian dagoena da _____ bat osatzen duten norbanakoen esfortzu kolektiboa, normalean _____ bidez aurrera eramaten dena, beste pertsona edota kolektibo batzuen proiektuen alde _____ edo bestelako _____ lortzeko.

Garai batean donazioak egiten ziren, baina gaur egun sare sozialak direla, online komunitateak direla eta ordainketa txikiak egiteko teknologiei esker, interesa duten pertsona-talde baten donazioak jasotzea asko erraztu da eta modu seguruagoan egin daiteke, gainera.

Oso alor aktiboa da, finantzaketa modu alternatiboak bilatu behar izateak azken urteotan bultzada berezia eman dio eta. Eta finantzazio bilaketa hori "giza" izaera duten plataformek bideratzen dute. Ekarpen horien truke, emailak aurrez zehaztutako _____ jasoko du jenerotan.

2- Entzun bitartean

2.1 Aukeratu egokia



[Irakurri audio-pasarteari buruzko galderak eta aukeratu erantzun egokia. Ondoren, partekatu ikaskidearekin egindakoa.](#)

Jon eta Jone asteburuko plana errepikatzeko prest daude baina arazo txiki bat dute. Zein?

- Joneren senar ohia etxera sarritan joaten omen zaio bisitan eta ez du nahi Jon bertan topatzea
- Joneren senar ohia laster jango da kanpora eta Jonek semeaz arduratu beharko du astebururo
- Joneren semea ez da ondo moldatzen Jonekin eta ezinezkoa izango zaie elkarrekin egotea

Joneri kulpa sentsazioa jarri zaiola entzun duzu. Zer dela eta?

- Jonekin denbora gehiago igarotzeko Niko karga izan daitekeelako
- Jonekin ateratzen hasi denetik ez delako lehen beste egoten Nikorekin
- Ez diolako oraindik esan Nikori Jonekin ateratzen hasi dela

Zertarako da Jonek Joni pasa nahi dion crowdfundingeko lotura?

- Mendi espedizioetan segurtasun neurriak azalduko duen bideo baterako
- Atzerriko suhiltzaileekiko elkartasuna adieraziko duen mendi martxa bat antolatzeko
- Suhiltzaileen espedizio bat finantzatzeko

Zer iruditu zaio Joni egitasmo horretan parte hartzea?

- Hasieran ez du ondo hartu, baina Jonek konbentzitu du eta azkenean parte hartuko du
- Ez omen du euro bat bera ere emango proiekturako
- Proiektua aztertu eta erabakiko du zer egin.

Ironiaz beraiek ere crowdfundinga hasiko dutela komentatu dute. Zein izango da egitasmoa?

- a. Eskiatzera joatea
- b. Espedizio bat egitea
- c. Zaborra biltzeko sistema berri bat finantzatzea

2.2 Crowdfundingari buruz



Entzun berriro elkarrizketa eta erreparatu Jonek crowdfundingaren inguruan esan duenari. Zer iruditzen zaio Joneren proposamena? Ondoren, alderatu ilkaskidearekin bildutaok.



Azkenik, komentatu zuen artean Jonekin ados zaudeten ala ez eta zergatik.

3. ENTZUN ONDOREN


3.1 Egitasmoa



Zuen crowdfunding proiektua prestatzeko tartea hartuko duzue ariketa honetan. Horretarako:

1. Partekatu ikasgelakoekin ariketan idatzi duzun crowdfundingerako proposamena.
2. Denenak entzun ondoren, erabaki zein den egokiena
3. Azkenik, prestatu testu bat zuen proposamena interneteko KARENA crowdfunding plataforman argitaratzeko

Testua idazteko laguntza behar izanez gero, irakurri plataforma horretan argitaratu zuten beste egitasmo hau:



Euskal Herriko mitologiaren jainkoak eta jainuak

Gasteizko Amaroa Kultur Elkarteko kideak gara eta elkarte hau Euskal Mitologia zabaltzeko asmoarekin jaio zen. Helburu hau jomuga izanda webgune bat sortu genuen (www.amaroa.com) eta hainbat jardun aurrera eramaten ditugu (hitzaldi-elezahar kontaketak, mitologia jaiak umeentzat dantza eta abestiekin, e.a.)

Urte pare bat dela Euskal Herriko pertsonaia mitologikoen inguruan Arabako Aldundiak liburuxka eta



DVD bat argitaratu zigun, baina liburuxka amaitu zaigu eta, oraingoan, autoeditatu egin nahi genuke.

Liburuxkaren izenburua EUSKAL HERRIKO MITOLOGIAREN JAINKO ETA JEINUAK da. Bertan, izenburuak dioen bezala, Euskal Herriko mitologiaren jainko eta jeinu nagusien bilduma bat aurkezten da. Beraien ezaugarriak azaltzen dira eta pertsonaia bakoitzaren inguruko elezahar bat kontatzen da. Hau guztia laguntzeko, komiki moduko marrazkiak argazkiekin nahasten dituen irudi ugari aurki daitezke, guztia koloretan. Euskaraz eta gazteleraz dago, eta oso erraz irakurtzeko moduan idatzita.

Autoedizio hau aurrera atera ahal izateko laguntza eske gatoz, proiektuaren zati bat ordaintzeko. Proiektu hau burutzeko ematen diguzun laguntza Euskal Mitologiaren zabalkuntzan lagungarri izango dela ziur egon.

Eskerrik beroenak alde zuretik eta kontuan izan “Izena duenak izana duela!!!”